



Adresa: **Ul. Hamdije Čemerlića 39**
71000 Sarajevo
<http://www.voda.ba>

tel. +387 33 726 400
fax. +387 33 726 423
e – mail: info@voda.ba

Broj: **UP-1/21-3-40-012-3/22**
Datum: **08.02.2022. godine**

«Agencija za vodno područje rijeke Save» rješavajući po zahtjevu podnesenom od strane JP Ceste Federacije BiH d.o.o. Sarajevo za izdavanje vodne dozvole za rekonstruisani most (M17.0-2-26) preko rijeke Bosne na cesti M17, dionica Doboj-Zenica-Lašva, petlja u naselju Blatuša, na osnovu člana 109. stav (1) tačke 2. i 10. Zakona o vodama («Službene novine Federacije BiH», broj 70/06), te člana 200. stav (1) Zakona o upravnom postupku («Službene novine Federacije BiH», broj 2/98 i 48/99), **donosi**

RJEŠENJE **o vodnoj dozvoli**

1. Podnosiocu zahtjeva, JP Ceste Federacije BiH d.o.o. Sarajevo, daje se vodna dozvola za rekonstruisani most (M17.0-2-26) preko rijeke Bosne na cesti M17, dionica Doboj-Zenica-Lašva, petlja u naselju Blatuša, grad Zenica.
 2. Vodna dozvola se daje na osnovu izvršenog uviđaja obavljenog na predmetnom lokalitetu i činjenica utvrđenih pregledom raspoložive projektne i ostale dokumentacije priložene uz zahtjev.
 3. Ova vodna dozvola se izdaje pod slijedećim uslovima:
 - 3.1. Objekte čija je svrha prikupljanje, odvođenje, prečišćavanje oborinskih onečišćenih voda i ispuštanje u recipijent koji uključuju separator ulja i masti, slivnike, rešetke, rigole, reviziona okna, spojne kanalizacione vodove treba redovno održavati i koristiti na način koji će obezbijediti njihovu potpunu ispravnost i funkcionalnost.
 - 3.2. Kontrola kvaliteta ispuštenih oborinskih onečišćenih voda u recipijent, vršiti će se na izlazu iz separatora neposredno prije ispusta u recipijent. Korisnik je obavezan da redovno vodi dnevnik o pražnjenju i odvozu sadržaja separatora ulja i masti, tj. izdvojenih naftnih derivata i taloga.
 - 3.3. Korisnik objekta obavezan je obezbijediti pristup i održavnje dijela obale rijeke Bosne na mjestu ispusta prečišćenih oborinskih voda iz separatora ulja i masti. Također je obavezan kontrolisati sve slobodne ispuste oborinskih voda na okolni teren kako na mjestima ispusta ne bi došlo do podlokavanja i ugrožavanja mostovske konstrukcije i okolnog terena.
 - 3.4. Stručne službe JP Cesta Federacije BiH d.o.o. Sarajevo u čijoj nadležnosti je održavanje, su obavezne poduzeti sve potrebne mjere kako bi kvalitet oborinskih onečišćenih voda, a prije ispuštanja u recipijent, zadovoljio granične vrijednosti kvaliteta propisane u članu 14. Uredbe o uslovima ispuštanja otpadnih voda u okoliš i sisteme javne kanalizacije («Službene novine Federacije BiH», broj 26/20).
 - 3.5. Pravno lice, JP Ceste Federacije BiH d.o.o. Sarajevo je dužno, putem laboratorije ovlaštene od strane Federalnog ministarstva poljoprivrede, vodoprivrede i šumarstva, vršiti redovna ispitivanja kvaliteta otpadnih voda, uzimanjem uzorka efluenta iz okana za monitoring (na ispustu iz separatora) u skladu sa Uredbom o uslovima ispuštanja otpadnih voda u okoliš i sisteme javne kanalizacije («Službene novine Federacije BiH», broj 26/20). Učestalost i način ispitivanja vršiti u skladu sa članom 20. Uredbe o uslovima ispuštanja otpadnih voda u okoliš i sisteme javne kanalizacije. Rezultate analiza dostaviti ovoj Agenciji.
- Izvještaje o ispitivanju i ocjeni kvaliteta otpadnih voda dostaviti «Agencija za vodno područje rijeke Save» Sarajevo – sektor za upravljanje vodama, shodno uslovima o ispuštanju otpadnih voda u okoliš i sisteme javne kanalizacije, te članu 23. Uredbe o uslovima ispuštanja otpadnih voda u okoliš i sisteme javne kanalizacije («Službene novine Federacije BiH», broj

- 26/20), a jedan primjerak zadržati za svoje potrebe u cilju stavljanja na uvid istih organima za vršenje inspekcijskog nadzora. Izvještaji o provedenim mjerenjima na terenu moraju sadržavati podatke i informacije u skladu sa članom 23. stav (3) Uredbe.
- 3.6. Čišćenje i pražnjenje uređaja za tretman tehnoloških otpadnih voda, odnosno separatora ulja i masti, povjeriti pravnom licu ovlaštenom za tu vrstu djelatnosti, prema sklopljenom ugovoru.
- 3.7. U slučaju vanrednih situacija, havarijskih onečišćenja i drugih sličnih okolnosti koje bi nastupile kao posljedica prirodne katastrofe ili ljudskog faktora, a što bi moglo prouzročiti zagađenja površinskih i podzemnih voda, korisnik objekta je dužan izvijestiti nadležne organe i postupati po nalogu mjerodavnih institucija, te preduzimati hitne mjere i aktivnosti na sprečavanju širenja onečišćenja i na otklanjanju uzroka onečišćenja.
4. Vlasnik, odnosno korisnik objekta je obavezan voditi propisne evidencije, te nadležnim organima dostavljati propisane obrasce (Obrazac EBS) u skladu sa 170. Zakona o vodama («Službene novine Federacije BiH», broj 70/06) i članom 12. Pravilnika o načinu obračunavanja, postupku i rokovima za obračunavanje i plaćanje i kontrolu izmirivanja obaveza na osnovu opšte vodne naknade i posebnih vodnih naknada («Službene novine Federacije BiH», broj 92/07, 46/09, 79/11, 88/12 i 03/16), te prema dostavljenim obrascima izvršavati u cjelosti i u propisanim rokovima obavezu plaćanja vodnih naknada u skladu sa tačkom IV podtačka 2. Odluke o visini posebnih vodnih naknada («Službene novine Federacije BiH», broj 46/07). Preuzimanje propisanih obrazaca i detalje vezane izvršenje obaveza po osnovu plaćanja PVN korisnik prava iz vodne dozvole obveznik plaćanja će regulisati sa Odjeljenjem za naplatu vonih naknada AVP Sava.
5. Korisnik objekta je obavezan je utvrditi ekvivalentan broj stanovnika (popunjavati obrazac (EBS) - Izvještaj o obračunu broja ekvivalentnih stanovnika i popunjene i ovjerene obrasce dostavljati mjesečno mjesno nadležnoj Agenciji za vode, do 10-tog tekućeg mjeseca za prethodni mjesec), jer se količina otpadne vode i stepena njenog zagađenja vrši na osnovu jedinice mjere - jednog ekvivalentnog stanovnika (ES).
6. U periodu važenja ove dozvole pravno lice JP Ceste Federacije BiH d.o.o. Sarajevo je dužno provoditi sve mjere i aktivnosti propisane ovom dozvolom.
7. Ukoliko zbog izgrađenih objekata dođe do promjene ili poremećaja režima voda i to prouzrokuje štete ma kakvog karaktera, korisnik je dužan uzroke nastalih šteta otkloniti, a nastale štete trećim licima nadoknaditi.
8. Ukoliko usljed štetnog djelovanja voda nastalog zbog neizgrađenosti ili nedovoljne osposobljenosti (zaštitnih) vodnih objekata dođe do nastanka štete na objektima obuhvaćenim ovom vodnom dozvolom, korisnik zaštitnih vodnih objekata nije odgovoran za nastale štete.
9. Prava stečena po ovoj dozvoli ne mogu se prenositi na treća lica, a ista prestaju u skladu sa odredbama Zakona o vodama.
10. Ova vodna dozvola, shodno članu 117. stav (1) Zakona o vodama se daje sa rokom važenja od 5 (pet) godina, od dana pravosnažnosti ovog rješenja.
11. Prije isteka važnosti ove vodne dozvole, Investitor je dužan da podnese zahtjev za izdavanje nove vodne dozvole.
12. Ova vodna dozvola može se izmjeniti ukoliko za to nastupe razlozi utvrđeni u članu 130. stav (1) tačka 1., 2., 3. ili 4. Zakona o vodama, a zainteresirane stranke podnesu argumentiran zahtjev za izmjenu ovog vodnog akta.

O b r a z l o ž e n j e

JP Ceste Federacije BiH d.o.o. Sarajevo, obratilo se ovoj Agenciji dana 18.01.2022. godine sa zahtjevom za donošenje rješenja o vodnoj dozvoli za rekonstruisani most (M17.0-2-26) preko rijeke Bosne na cesti M17, dionica Doboj-Zenica-Lašva, petlja u naselju Blatuša, grad Zenica

U provedenom postupku, uz zahtjev za donošenje rješenja o vodnoj dozvoli, dostavljena je i pregledana slijedeća dokumentacija:

- Ovjerena kopija aktuelnog izvoda iz sudskog registra, broj: 065-0-RegZ-21-004696 izdatog 24.05.2021.godine od strane Općinskog suda u Sarajevu;

- Ovjerena kopija uvjerenja o poreznoj registraciji izdatog 01.07.2016.godine od strane Kantonalnog poreznog ureda Sarajevo;
- Dokaz o uplaćenju upravnoj taksi;
- Kopija Rješenja o odobrenju za građenje, broj: 12-23-08626/15 izdatog 04.11.2015. godine od strane Ministarstva za prostorno uređenje, promet i komunikacije i zaštitu okoline Zeničko-dobojskog kantona;
- Kopija Rješenja o odobrenju za građenje, broj: 12-23-10758/17 izdatog 23.02.2018. godine od strane Ministarstva za prostorno uređenje, promet i komunikacije i zaštitu okoline Zeničko-dobojskog kantona;
- Kopija Rješenja o produženju roka važenja Rješenja o odobrenju za građenje, broj: 12-23-10758-1/17 izdatog 18.04.2019. godine od strane Ministarstva za prostorno uređenje, promet i komunikacije i zaštitu okoline Zeničko-dobojskog kantona;
- Rješenje o vodnoj saglasnosti, broj: UP-I/25-2-40-489-2/15 izdatog 18.09.2015. godine od strane Agencije za vodno područje rijeke Save Sarajevo;
- Glavni projekat odvodnje i tretmana oborinskih voda u sklopu rekonstrukcije mosta «Petlja Zenica» preko rijeke Bosne, lokalitet Blatuša, urađen avgusta 2015.godine od strane Zavoda za vodoprivredu d.d. Sarajevo;
- Projekt izvedenog stanja odvodnje mosta na cesti M17, dionica: Doboj-Zenica-Lašva, preko rijeke Bosne i magistralnog puta M17.0-2 u km 76+570, Most: Petlja Zenica (M17.02-2-26) – faza 2 urađen jula 2021. godinen od strane «HP INVESTING» d.o.o. Mostar.

Nakon izvršenog uvida u dostavljeni zahtjev i priloženu dokumentaciju utvrđeno je da su uz zahtjev dostavljeni potrebni prilozi, te je ovaj organ u skladu sa odredbama Zakona o upravnom postupku postupku pokrenuo postupak u ovoj upravnoj stvari i u skladu sa članom 12. Stav (5) i (6) Pravilnika o sadržaju, obliku, uvjetima, načinu izdavanja i čuvanja vodnih akata («Službene novine Federacije BiH», br. 31/15, 55/19 i 41/20), izvršen je obilazak predmetnog lokaliteta i tom prilikom sačinjen zapisnik o uviđaju broj: UP-1/21-3-40-012-2/22 od 07.02.2022. godine.

Na osnovu pregleda raspoložive dokumentacije i izvršenog uviđaja na predmetnom lokalitetu utvrđeno je slijedeće:

Most Petlja Blatuša (M17.0-2-26) na magistralnoj cesti M17,0, dionica Doboj-Zenica-Lašva premoštava rijeku Bosnu i magistralnu cest M17. Most se sastoji od tri cjeline i to glavna konstrukcija koja premoštava rijeku Bosnu i dvije prklučne konstrukcije (rampe) koje se nalaze na krakovima petlje. Obje prklučne konstrukcije se nalaze na desnoj obali rijeke Bosne i to jedna za izlaz iz Zenice prema Sarajevu, dok je druga za ulaz u Zenicu iz pravca Doboja.

Za rekonstrukciju predmetnog mosta urađena je projektna dokumentacija – Glavni projekat odvodnje i tretmana oborinskih voda u sklopu rekonstrukcije mosta Petlja Zenica preko rijeke Bosne u naselju Blatuša, općina Zenica. Projektna dokumentacija je urađena avgusta 2015. godine od strane Zavoda za vodoprivredu d.d. Sarajevo.

Od strane ove Agencije izdato je Rješenje o vodnoj saglasnosti na Glavni projekat, broj: UP-I/25-2-40-489-2/15 od 18.09.2015. godine.

Glavnim projektom je predviđeno da se oborinske vode sa glavne mostovske konstrukcije prikupe i odvedu do postojećeg separatora na lijevoj obali rijeke Bosne. Oborinske vode sa prklučnih rampi se prikupljaju slivnicima u kolovozu i slobodno ispuštaju na okolni teren.

Prilikom izvođenja radova na rekonstrukciji mosta utvrđeno je da nije moguće provesti glavni kolektor kroz sandučastu prednapregnutu rasponsku konstrukciju pa je kolektor podijeljen na dva dijela. Slivnici SLL8 – SLL13 i SLD8-SLD11 koji prikupljaju oborinsku vodu sa dijela glavne mostovske konstrukcije iznad magistralne ceste M17 se zajedničkom vertikalom spuštaju uz stub S6 i slobodno izljevaju na okolni teren. Slivnici SLL7-SLL1 i SLD7-SLD1 prikupljaju oborinske vode sa dijela glavne mostovske konstrukcije preko rijeke Bosne u kolektore (lijevo i desno) i odvede vodu do vertikalna uz obalni stub S1 i dalje transportuju do postojećeg revizionog okna i separatora ulja i masti sa prelivom u rijeku Bosnu.

Oborinske vode sa prklučnih rampi na desnoj obali rijeke Bosne se prikupljaju slivnicima sa slobodnim izljevom na okolni teren u svemu prema Glavnom projektu na koji je izdata vodna saglasnost.

Na osnovu provedenog postupka, a u cilju smanjenja zagađenja voda, postizanja dobrog stanja voda, sprječavanja degradacije voda, umanjavanja mogućnosti štetnog djelovanja voda kao i održivog korištenja

voda, podnosiocu zahtjeva, JP Ceste Federacije BiH d.o.o. Sarajevo, ovom vodnom dozvolom su u tački 3. dispozitiva rješenja propisani uslovi korištenja i održavanja objekata koji utiču na režim voda te načina provođenja aktivnosti ispuštanja onečišćenih oborinskih voda.

Tačkama 4. i 5. ovog Rješenja propisani su uslovi za plaćanje posebne vodne naknade za zaštitu voda od zagađenja u skladu sa članovima 12. i 35. Pravilnika o načinu obračunavanja, postupku i rokovima za obračunavanje i plaćanje i kontrolu izmirivanja obaveza na osnovu opšte i posebnih vodnih naknada («Službene novine Federacije BiH», broj 92/07, 46/09, 79/11 i 88/12).

Pravno lice opće vodne naknade plaća kao registrovani djelatnik, a PVN za zaštitu voda po osnovu količine zagađenja vode nastale ispuštanjem otpadnih (oborinskih onečišćenih) voda kao posljedica sapiranja ostataka rasute nafte i naftnih derivata, sredstava za zaštitu od leda i posipnog materijala, čestica prašine, zemlje, kamena, abrazivnog materijala, potrošenih guma i sl. sa saobraćajnih površina. Obračunava se množenjem količine zagađenja voda u toku obračunskog perioda izraženog preko ekvivalentnog broja stanovnika (EBS) sa visinom ove PVN (a to je 2,00 KM po 1 ES (ekvivalentni stanovnik) ispuštene vode - Odluka o visini PVN, član IV, stav 2.). Obračunavanje i plaćanje PVN se vrši do 20. u mjesecu za prethodni mjesec. Obavezan je utvrditi ekvivalentan broj stanovnika (popunjavati obrazac (EBS) - Izvještaj o obračunu broja ekvivalentnih stanovnika i popunjene i ovjerene obrasce dostavljati mjesečno mjesno nadležnoj agenciji za vode, do 10-tog tekućeg mjeseca za prethodni mjesec), jer se količina otpadne vode i stepena njenog zagađenja vrši na osnovu jedinice mjere - jednog ekvivalentnog stanovnika (ES).

Na osnovu provedenog postupka konstatuje se da je podnosilac JP Ceste Federacije BiH d.o.o. Sarajevo ispunio minimum uslova za izdavanje vodne dozvole, kako je to regulisano članom 115. do člana 118. Zakona o vodama i članom 12. i 13. Pravilnika o sadržaju, obliku, uvjetima, načinu izdavanja i čuvanja vodnih akata, te je riješeno kao u dispozitivu ovog rješenja.

Podnosilac zahtjeva je uplatio upravnu taksu u iznosu od 70 KM u skladu sa Zakonom o izmjenama i dopunama zakona o federalnim upravnim taksama i tarifi federalnih upravnih taksi («Službene novine Federacije BiH», broj 06/98, 8/00, 45/10 i 43/13).


UPUTA O PRAVNOM LIJEKU:

Protiv ovog rješenja može se uložiti žalba Federalnom ministarstvu poljoprivrede, vodoprivrede i šumarstva, putem ove Agencije, u roku od 15 dana od dana prijema rješenja. Žalba se podnosi neposredno pismeno ili preporučeno putem pošte ovom organu i taksira se sa 15,0 KM administrativne takse, prema tarifnom broju 3. Tarife Federalnih upravnih taksi.

Voditelj postupka:

Roksanda Školjić, dipl.inž.građ.

Po ovlaštenju
Rukovodilac Sektora za izdavanje vodnih akata


Haris Ališehović, dipl.ing.građ.

Dostaviti:

- JP Ceste Federacije BiH,
Ul. Terezija br. 54, 71000 Sarajevo
- Sektor 50,
- AVP Sava, ISV – Vodna knjiga
- ☉ Sektor 40, arhiva
- oglasna ploča AVP – Sava